

兵部知道

啓



順治元年十月

(採四五七九)

欽差巡撫河南等處地方提督軍務兼理河道都察院右副都御史臣羅繡錦謹

啓爲塘報緊急賊情急請大兵事本月初陸日巳時准鎮守

河南懷慶等處總兵官金玉和塘報初肆日戌時據副將

常鼎報稱本日寅時哨探流賊哨馬伍百餘騎至狐嶺下

拿去鄉民叁人問上陽城路又問濟源南路離孟縣多少

里濟源有多少兵鄉民回稱不知將鄉民殺死貳名奔山

逃出壹名哨丁問逃來鄉民劉叁說稱狐嶺迤北一帶白

日大烟黑夜大火又有垣曲出來人說賊馬步有貳萬餘

見在城外各山口峪下營又有不計數往澤州去了又有

鄭總兵賀都尉往潞安去了等情准此本日先據署總兵

官蘇見樂塘報初伍日據左營遊擊張大忠等報稱初肆

日午時見銅瓦廂南岸許多旗幟馬匹欲渡未渡各處鄉



兵俱在彼處拒守等情各報到臣該臣看得西賊盤踞垣
曲漸至濟源狐嶺各路分賊狡詐多端懷屬地方正衝兩
路而潞安一股直抵彰屬均可慮也臣已分調守衛之卒
以接應又報南岸賊兵沿河窺渡伏乞

敕部將臣前請大兵速催馬兵兼程前來協力掃蕩而戰守俱
有賴矣爲此具本專差承差張文貴親齎謹具啓

聞

自高字起至商字止計卷百陸拾卷字紙壹張

右 謹 啓

聞

順治元年拾月

初四

提督軍務兼理河道都察院右副都御史臣羅繡錦



